

# ЯНГИ ЎЗБЕКИСТОН

Ижтимоий-сиёсий газета

№ 125 (914), 2023 йил 24 июнь, шанба



## ИСЛОҲОТЛАР ДАСТУРИНИНГ УСТУВОР ЙЎНАЛИШЛАРИ КЎРИБ ЧИҚИЛДИ

Ўзбекистон Республикаси Президенти Шавкат Мирзиёев 23 июнь куни иқтисодий тараққиёт, самарали бошқарув ва халқаро ҳамкорлик масалалари бўйича маслаҳатчи Сума Чакрабартини қабул қилди.

Мамлакатимиздаги ижтимоий-иқтисодий ислохотлар дастурининг устувор йўналишлари, шу жумладан, соғлиқни сақлаш, таълим, сув таъминоти соҳаларидаги янгиланишлар кўриб чиқилди.

Ўзбекистонда инвестиция ва ишбилармонлик муҳитини янада такомиллаштириш масалаларига алоҳида эътибор қаратилди.

Юртимизда Халқаро тижорат суди фаолиятини йўлга қўйиш бўйича кўрилаётган чора-тадбирларнинг бориши ҳамда Жаҳон савдо ташкилотига аъзо бўлиш юзасидан музокаралар жараёни муҳокама қилинди.

Ў.А.

## ТАРАҚҚИЁТ ЙЎЛИ

# САЙЛОВ ЖАРАЁНИ ИШТИРОКЧИЛАРИ

Ўзига юклатилган вазифа ва ваколатларни юксак масъулият ҳамда виждонан бажариши лозим

2023 9-IYUL O'ZBEKISTON RESPUBLIKASI PREZIDENTI SAYLOVI

Сайловлар демократик ҳуқуқий давлатнинг ажралмас белгиси, халқимиз ўз хоҳиш-иродасини билдириши, фуқароларнинг давлат ва жамият ишларидаги иштирокининг асосий шаклидир. Мамлакатимизда сўнгги йилларда сайловлар умумэтироф этилган халқаро сайлов стандартлари, сайлов ҳуқуқи принциплари асосида демократик, очик ва шаффоф, ошқора ўтаётгани алоҳида эътиборга лойик.

Давоми 3-бетда

## ХАЛҚАРО ЭКСПЕРТЛАР ФИКРИ

## МУДДАТИДАН ИЛГАРИ ПРЕЗИДЕНТ САЙЛОВИ МАМЛАКАТНИ ЯНАДА ДЕМОКРАТЛАШТИРИШ ЙЎЛИДА МУҲИМ ҚАДАМ БЎЛАДИ

Халқаро ижтимоий-сиёсий ва эксперт доиралар вакиллари Ўзбекистонда кечаётган сиёсий жараёнларни диққат билан кузатиб бормоқда.

Муддатидан илгари Президент сайлови Ўзбекистоннинг янада тараққий этиши, унинг ташқи ҳамкорлар билан ўзаро муносабатларини белгилаб берадиган муҳим сиёсий воқеалардан бири бўлиши шубҳасиз. Халқаро экспертларнинг айтишича, сайловга тайёргарлик ва сайловолди ташвиқотининг бориши Ўзбекистонда сайлов жараёнининг демократлашуви кучайиб бораётганидан, мамлакатда амалга оширилаётган туб ва кенг қўламли ислохотлар халқ томонидан тўла қўллаб-қувватланаётганидан далolat бермоқда.

Давоми 2-бетда

## ЕР ВА ЭЛ

# Қўшиққа айланган ушбу

(Очерк)

Лола Муродова — афсонага айланаётган ном. У ҳақида кўпчилик гапирди ва ҳаммаси яхши гаплар. Зотан, элга яхши ном, эзгу ишлар билан танилмоқ осон эмас.

У ҳақида баъзан тутуми эркачча эди, деган сўзлар қўлоққа чалиниб қолиши ҳам бор гап. Чунки у мард эди. Баъзи эркачларникидан зиёдроқ мардонворлик бор эди опада. Ҳақ бўлса, бировга сўзини бермайдиган журъати, қатъияти бор эди.

Еши ун олтига етмай, ўзи туғилиб ўсган Полосон қишлоғида ҳарбийга кетган механизаторнинг тракторини миниб, бригадаси юкини енгил қилган ҳам шу қиз эди.

Йигирма ёшида ёшлар бригадасига етакчи бўлиб, қўриқ жойларда деҳқончиликни бошлаган, ерни ажриқдан тозалаш учун маблағ тополмай, механик отасига мукофотга берилган автомашинани сотиб, иш ҳақи сифатида тарқатган ҳам Лолахон эди. Тун ярмида ёлғиз ўзи томорқачилар билан сув талашиб ёқалашган ҳам шу Муродова...

Бундай ҳоллар кўп бўлган ва уларнинг ҳар бири айтишга, ибрат бўлишга арзиғулик воқеа.

Давоми 6-бетда

## ПРЕЗИДЕНТ ҚАРОРЛАРИ — ҲАЁТДА ВА НАЗОРАТДА

# ШАХСИЙ ЖАВОБГАРЛИК ВА МАСЪУЛИЯТ ТАРМОҚ РИВОЖИНИНГ АСОСИ

Мамлакатимиз иқтисодиёти ривожига саноат тармоғининг ўзига хос ўрни бор. Шу боис, бу соҳага мавжуд хомашё ва ресурслардан маҳсулот ишлаб чиқариш ҳамда уларни қайта ишлаш, қўшилган қиймат яратиш, аҳоли эҳтиёжини қондириш, фуқароларни иш билан таъминлашнинг муҳим омилларидан бири сифатида алоҳида эътибор қаратиляпти.

Хўш, ушбу тармоқнинг электротехника йўналишидаги вазифалари қандай бажарилмоқда?

Таҳлиллар шуни кўрсатадики, ўтган йилда мазкур тармоқда саноат маҳсулотлари ишлаб чиқариш қўлами 20 триллион сўмини ташкил этган, экспорт ҳажми 800 миллион доллардан ошган. Республикаимиз ҳудудларида 87 лойиҳа ишга туширилиб, 2 минг 619 та янги иш ўрни яратилган.

Маҳсулотларнинг экспорт географияси анча кенгайган. Айниқса, "GSP+" имтиёзларидан фойдаланилган ҳолда, Буюк Британия, Франция, Германия, Руминия, Словения, Чехия, Австрия, Венгрия, шунингдек, Ироқ, Ливан, Марказий ва Ғарбий Африканинг Гана, Камерун каби давлатларига тарихда илк бор экспорт жараёни амалга оширилган.

Давоми 2-бетда

## НИГОХ

# ОЗИҚ-ОВҚАТ ХАВФСИЗЛИГИ

Арзон ва сифатли қишлоқ хўжалиги маҳсулотларига талаб ортмоқда

Озиқ-овқат хавфсизлиги бугунги кунда энг кўп эътибор қаратилаётган масалалардан бирига айланди. Жаҳон иқтисодиётида кечаётган тезкор глобаллашув жараёнида бу иқтисодий хавфсизлик масаласи сифатида ҳам долзарблашиб бормоқда.

Экологик хавф-хатарлар ошиб бораётган, аҳоли сони эса ўтган асрларга нисбатан кескин ўсаяётган шароитда ҳар бир давлат озиқ-овқат хавфсизлигини таъминлашга интиломоқда. Ушбу масалага илмий ёндашув фаоллашиб, қишлоқ хўжалигини инновацион ривожлантириш кучайиб бораётгани боиси ҳам шунда.

Кўпчилик инсонларнинг тўйиб овқатланмаслиги, сифатли егулик истеъмол қилиш ва тоза ичимлик сув ичиш имкониятининг йўқлиги, ўзи истаган маҳсулотни "чўнтаги кўтарадиган" нарҳда сотиб ололмалиги биз сўз юритаётган озиқ-овқат хавфсизлигининг яққол кўринишларидир. Энди тасаввур қилинг, дунёда қанча давлат бор ва уларнинг ҳаммасида ҳам аҳоли ана шу имкониятларга тўлиқ эга эмас. Сайёрамизнинг қайсидир бурчагида одамлар

очликдан, сувсизликдан азият чекапти, яна қайсидир ҳудудларда мамлакат ўз эҳтиёжи даражасидаги қишлоқ хўжалиги маҳсулотларини етиштириш имкониятига эга эмас.

Давоми 4-бетда

## 30 июнь — Ёшлар куни

# ЁШЛАР МУАММОЛАРИНИ ҲАЛ ЭТИШ



## яхши ижтимоий ҳаётни таъминлаб, уларнинг келажагига мустақкам замин ҳозирлайди

Хатирчилик Азизжон Жумаев саломадлигидаги муаммо туфайли оғир иш қилолмайди, аммо уйда бекор ўтириши ҳам истамайди. Шу боис, элга, оиласига наф келтириш мақсадида сарватрошлик хунарини ўрганди. Лекин сарватрошхона фаолиятини йўлга қўйиш ва зарур жиҳозлар харид қилишга имкони етмади. Маҳалла ёшлар етакчиси хатлов жараёнида унинг бу муаммосидан хабар топиб, кўмак бериш чораларини кўрди ва туман ҳокимлиги томонидан зарур ёрдам кўрсатилди. Бугунги кунда Азизжон касби ортидан даромад топиш билан бирга, шогирдларига ҳам ўз хунари сирларини ўргатиб келмоқда.

Албатта, ҳар бир давлатнинг келажаги ёшларнинг билими, салоҳияти, иштиёқи ва янгилликка интилувчанлиги билан боғлиқ. Юртимизда келажақ ворисларининг муносиб таълим-тарбия олиши, касб-хўнара эгаллаши, бўш вақтини мазмунли ўтказиши, ҳам жисмонан, ҳам маънан соғлом бўлиши йўлида олиб борилаётган ишлар ўз самарасини бермоқда. 2022 йил 19 январдан маҳаллаларда ёшлар етакчиси лавозими жорий этилгани ҳам навқирон авлод салоҳиятини ривожлантиришда янги имкониятлар эшигини очди.

Давоми 5-бетда









